



গণপ্রজাতন্ত্রী বাংলাদেশ সরকার
প্রাথমিক শিক্ষা অধিদপ্তর
সেকশন-২, মিরপুর, ঢাকা-১২১৬
www.dpe.gov.bd



স্মারক নং ৩৮.০১.০০০০.১৪৩.১১.০০৮.২০-১১


তারিখ: ২৮ আগস্ট ১৪২৮ বঙ্গাব্দ
১১ (১) ২০২২ খ্রিস্টাব্দ

সরকারি প্রাথমিক বিদ্যালয়ের "সহকারী শিক্ষক নিয়োগ ২০২০" এর লিখিত পরীক্ষা গ্রহণ সংক্রান্ত
সংবাদ বিজ্ঞপ্তি

প্রাথমিক শিক্ষা অধিদপ্তরের ১৮ অক্টোবর ২০২০ তারিখের ৩৮.০১.০০০০.১৪৩.১১.০০৮.২০-১৫২ নং নিয়োগ বিজ্ঞপ্তিতে বিজ্ঞাপিত সরকারি প্রাথমিক বিদ্যালয়ের "সহকারী শিক্ষক" পদে নিয়োগের লক্ষ্যে জেলা ও উপজেলাসমূহকে বিন্যস্ত করে গত ২২ এপ্রিল ২০২২ তারিখে ১ম ধাপের লিখিত পরীক্ষা অনুষ্ঠিত হয়েছে। আগামী ২০ মে ২০২২ এবং ৩ জুন ২০২২ তারিখ রোজ শুক্রবার ২য় ও ৩য় ধাপের লিখিত পরীক্ষা সকাল ১০:৩০ ঘটিকা হতে ১২:০০ ঘটিকা পর্যন্ত পর্যায়ক্রমে আবেদনকারীদের নিজ নিজ জেলায় অনুষ্ঠিত হবে। তবে পরীক্ষার্থীদের অবশ্যই সকাল ১০:০০ ঘটিকার মধ্যে কেন্দ্রে প্রবেশ করতে হবে। কোন্ তারিখে কোন্ জেলা/উপজেলাসমূহের পরীক্ষা তা অধিদপ্তরের ওয়েবসাইট হতে জেনে নেয়া যাবে।

২। প্রার্থীদের আবেদনে উল্লিখিত মোবাইল নম্বরে যথাসময়ে ০১৫৫২-১৪৬০৫৬ নম্বর হতে প্রবেশপত্র ডাউনলোডের এসএমএস প্রেরণ করা হবে। আগামী ২০.০৫.২০২২ তারিখে অনুষ্ঠিতব্য দ্বিতীয় পর্যায়ের পরীক্ষার জন্য প্রার্থীগণ ১৫.০৫.২০২২ তারিখ থেকে admit.dpe.gov.bd-ওয়েবসাইটে Username এবং Password দিয়ে অথবা এসএসসি-এর রোল, বোর্ড ও পাশের সন দিয়ে লগইন করে প্রবেশপত্র ডাউনলোড করে রঙিন প্রিন্ট কপি সংগ্রহ করতে পারবেন। পরীক্ষায় অংশগ্রহণের জন্য প্রার্থীদেরকে অবশ্যই ডাউনলোডকৃত প্রবেশপত্রের রঙিন প্রিন্ট এবং নিজের জাতীয় পরিচয়পত্র (মূল এনআইডি/স্মার্টকার্ড) সঙ্গে আনতে হবে। ওএমআর শীট পূরণের নির্দেশাবলী এবং পরীক্ষা সংক্রান্ত অন্যান্য তথ্য প্রাথমিক শিক্ষা অধিদপ্তরের ওয়েবসাইটে এবং প্রবেশপত্রে পাওয়া যাবে।

৩। পরীক্ষা কেন্দ্রে কোন বই, উত্তরপত্র, নোট বা অন্য কোন কাগজপত্র, ক্যালকুলেটর, মোবাইল ফোন, ভ্যানিটি ব্যাগ, পার্স, হাতঘড়ি বা ঘড়িজাতীয় বস্তু, ইলেকট্রনিক হাতঘড়ি বা যে কোন ধরণের ইলেকট্রনিক ডিভাইস, কমিউনিকেশন ডিভাইস বা এজাতীয় বস্তু সঙ্গে নিয়ে প্রবেশ করা বা সঙ্গে রাখা সম্পূর্ণ নিষিদ্ধ। যদি কোন পরীক্ষার্থী উল্লিখিত দ্রব্যাদি সঙ্গে নিয়ে পরীক্ষা কেন্দ্রে প্রবেশ করে তবে তাকে তাৎক্ষণিক বহিষ্কারসহ সংশ্লিষ্টের বিরুদ্ধে আইনানুগ ব্যবস্থা গ্রহণ করা হবে।


(আলমগীর মুহম্মদ মনসুরুল আলম)
মহাপরিচালক (গ্রেড-১)